

INFO BUSINESS NEWSLETTER

Udruženje poslodavaca FBiH

April 2013. godine

Broj 12

ODRŽANA XII REDOVNA SKUPŠTINA UDRUŽENJA POSLODAVACA FBiH



**Poslodavci protiv predloženog
Prednacrta zakona o porezu
na dobit**

**Udruženje privrednika Biznis Centra
Jelah/ Tešanj pristupili UPFBiH**

**Održana 10. sjednica UO
Udruženja poslodavaca FBiH**

ODRŽANA XII REDOVNA SKUPŠTINA UDRUŽENJA POSLODAVACA FBiH

Fehim Škaljić, predsjedavajući Predstavničkog doma Parlamenta FBiH je rekao „Predstavnički dom Parlamenta Federacije BiH zainteresiran je da UPFBiH bude subjekat procesa koji će omogućiti da se u donošenju pravne borbe direktnije i bitnije čuje mišljenje poslodavaca i prenese iskustvo koje poslodavci imaju.“



Predsjedništvo Skupštine

26. marta 2013. godine održana je XII redovna Skupština Udruženja poslodavaca Federacije BiH. Pored članova Skupštine ovom skupu prisustvovali su i Fehim Škaljić, predsjedavajući Predstavničkog doma Parlamenta FBiH, Radoje Vidović, predsjedavajući Doma naroda Parlamenta FBiH, Desnica Radivojević, zamjenik Premijera Vlade FBiH i Ministar prostornog uređenja i okoliša FBiH, Fikret Plevljak, premijer ZE-DO kantona, Ibrahim Tirak, direktor Federalne uprave za inspekcijske poslove, Avdo Rapa, predsjednik Privredne komore FBiH, Edhem Biber, predsjedavajući ESV-a, te Vinko Križan, zamjenik direktora Porezne uprave FBiH

Kao gosti na Skupštini su također prisustvovali predstavnici međunarodnih organizacija USAID, MSI, IFC i mnogi drugi.

Na Skupštini je predložen slijedeći dnevni red;

- 1) Izbor verifikacione komisije, zapisničara i ovjerivača zapisnika;**
- 2) Razmatranje i usvajanje zapisnika sa XI izborne Skupštine UPFBiH;**
- 3) Razmatranje i usvajanje;**
 - a) Prijedloga Izvještaja o radu U.O. UPFBiH za 2012 godinu,**
 - b) Prijedloga Izvještaja delegacije ESV-a za 2012. godinu,**
 - c) Prijedloga Finansijskog izvještaja UPFBiH za 2012. godinu,**
 - d) Prijedloga Programa rada UPFBiH za 2013. godinu,**
 - e) Prijedloga Finansijskog plana UPFBiH za 2013 godinu,**
 - f) Prijedloga Statuta o izmjenama i dopunama Statuta,**
 - g) Prijedlog o izmjenama i dopunama Odluke o visini članarine**
- 4) Predlaganje Skupštini za izbor predsjednika i dva zamjenika predsjednika Skupštine.**

Predsjednik UO i direktor Udruženja su članovima Skupštine prezentirali sve materijale po tačkama dnevnog reda i materijali su usvojeni na slijedeći način;

Zoran Gazibarić ponovno izabran za predsjednika Skupštine

Skupština se jednoglasno izjasnila da ponovno imenuje za Predsjednika Skupštine Zorana Gazibarića a za dva zamjenika predsjednika Skupštine Branu Vujičića i Sulejmana Haračića , te njihove mandate produžila na još jednu godinu.

Skupštine kooptira 2 nova člana u UO. Razlog ove izmjene je povećan broj članova i želja da se tokom rada UO budu zastupljene sve članice jednakom, kako pojedinačne tako i kolektivne.

- Odluka o visini članarine Udruženja poslodavaca bi trebalo izmjeniti u slijedećem,
 - smanjenje članarine za kompanije koje upošljavaju manje od 5 osoba
 - uvođenje uplate 1000 KM godišnje za kompanije koje imaju članove u Ekonomsko – socijalnom vijeću na jednom nivou, ako imaju na više nivoa onda je to 1500 KM.
 - uvodi se mogućnost da se zbog krize smanji iznos članarine za 1/3 odnosno 35% članovima koji se obrate Udruženju sa takvim zahtjevom
 - uvodi se mogućnost da Skupština ovlasti UO da može na prijedlog direktora donijeti odluku da za narednu budžetsku godinu smanji iznos članarine za oko 5%.

Obzirom da niko od prisutnih nije imao primjedbi po ove dvije tačke obje su jednoglasno usvojene.

Po posljednoj tačci dnevnog reda Skupština se jednoglasno izjasnila da ponovno imenuje za Predsjednika Skupštine Zorana Gazibarića a za dva zamjenika predsjednika Skupštine Branu Vujičića i Sulejmana Haračića , te njihove mandate produžila na još jednu godinu.

Obzirom da su Skupštini kao gosti prisustvovali predstavnici izvršne i zakonodavne vlasti oni su se prisutnim obratili i pozvali poslodavce na saradnju uz obećanja da će u budućnosti Udruženje poslodavaca biti njihov partner pri donošenju zakona i zakonskih regulativa.

VIJESTI IZ UDRUŽENJA

- Izvještaj o radu je jednoglasno usvojen,
- Izvještaj o radu ESV-a je jednoglasno usvojen,
- Izvještaj o finansijskom poslovanju za 2012. godinu koji je izlagao Mladen Pandurević je jednoglasno usvojen.
- Program rada za 2013. godinu jednoglasno je usvojen s tim da je potrebno dopuniti primjedbama i prijedozima koji su izlagani tokom Skupštine,
- Finansijski plan za 2013. godinu je jednoglasno usvojen.

Nakon usvajanja materijala direktor Udruženja je izložio tri preostale tačke dnevnog reda te su zaključci bili slijedeći;

- Izmjene i dopune Statuta odnosila se na izmjenu član 27. Statuta UPFBiH, i to da se ostavlja mogućnost UO da tokom rada između dvije

U narednoj godini moguće smanjenje članarine

Na Skupštini je usvojen Prijedlog Odluke o visini članarine kojom se uvodi mogućnost da Skupština ovlasti UO da može na prijedlog direktora donijeti odluku da za narednu budžetsku godinu smanji iznos članarine za oko 5%.



Skupština Udruženja poslodavaca FBiH

VIJESTI IZ UDRUŽENJA

Fehim Škaljić, predsjedavajući
Predstavničkog doma Parlamenta FBiH



Škaljić poziva poslodavce da direktno predlažu zakone u Parlamentu FBiH

U svom govoru Fehim Škaljić, predsjedavajući Predstavničkog doma Parlamenta FBiH je rekao „Predstavnički dom Parlamenta Federacije BiH zainteresiran da UPFBiH bude subjekat procesa koji će omogućiti da se u donošenju pravne borbe direktnije i bitnije čuje mišljenje poslodavaca i prenese iskustvo koje poslodavci imaju.

Poslodavci su direktno onemogućeni u pozitivnom i negativnom smislu kroz zakonodavstvo koje donose kantoni, kroz razne odluke i zakone koji se donose na nivou Federacije i države. Iz tih razloga smo odlučili dati veliki značaj odborima i komisijama Parlamenta FBiH i mićemo pozivati da to bude praksa i u budućnosti. Također vas želimo ohrabriti da određene inicijative za određene zakone, ne moraju isključivo ići preko vlade može i Udrženje poslodavaca FBiH biti predlagač zakona“, istakao je Škaljić.

Naša vrata su vam uvijek otvorena i nadam se da ćemo imati redovnu i kontinuiranu komunikaciju jer nam predstoji nekoliko važnih elemenata. Naš je zadatak konačno se okrenuti prema ekonomiji kao jedinom stabilnom izvoru budućnosti dok s druge strane u stabilizaciji ekonomske zbilje moramo doći do rasterećena privrede“, rekao je Škaljić.

Desnica Radivojević, zamjenik premijera Vlade FBiH i Ministar prostornog uređenja i okoliša FBiH



Udruženje ima veliki i značajan doprinos u radu ESV-u

Obzirom da je Udruženje poslodavaca član ESV-a i da veoma aktivno radite na stvaranju boljeg poslovnog ambijenta u BiH, te da imate veliki i značajan doprinos u radu ESV-a mi vam kao Vlada stojimo na raspolaganju. Važno jee napomenuti da naš život i procesi no stoje te da kroz dijalog idemo ka boljoj budućnosti“, istakao je Desnica Radivojević, zamjenik premijera Vlade FBiH i Ministar prostornog uređenja i okoliša FBiH.

Radoje Vidović, predsjedavajući Doma naroda Parlamenta FBiH



Poslodavci su najjača karika ekonomskog lanca

Radoje Vidović, predsjedavajući Doma naroda Parlamenta FBiH je u svom kratkom govoru istakao da je svjestan značaja poslodavaca te je izrazio svoju spremnost da zajednički radi sa predstavnici privrede u stvaranju što boljeg ambijenta u BiH.

„Poslodavci su imali jedan veliki doprinos u radu ESV-a. Jasna mi je pozicija poslodavaca i znam da politika jako malo cijeni vaš rad. Vi ste karika ekonomskog lanca koja povlači sve naprijed jer bez te karike nema stvaranja nove vrijednosti nema popunjavanja ovog našeg budžeta. Vlada mora usmjeriti sve aktivnosti prema stvaranju boljih uslova za vaš rad da biste vi dali svoj maksimum i naravno zapošljavali ljudi“, istakao je Vidović.

Ibrahim Tirak, direktor Federalne uprave za inspekcijske poslove



Poslodavci našeg udruženja rade po zakonu

Ibrahim Tirak, direktor Federalne uprave za inspekcijske poslove u svom obraćanju je izrazio zahvalnost članicama na pozivu i rekao da su vrata Federalne uprave za inspekcijske poslove za sve privrednike otvorena i spremna pomoći u svemu onome što je pod mojom ingerencijom. Privredu treba pomoći i biću vam na usluzi da završimo sve što je u duhu zakona jer ste vi oni koji uistinu radite po zakonu.

Nakon govora gostiju članovi Skupštine su izrazili želju da se obrate prisutnim predstavnicima vlasti i drugim privrednicima u vezi trenutnih problema i poteškoća sa kojima se sureću u svom svakodnevnom poslovanju.

Safudin Čengić, predsjednik UO



Predsjednik UPFBiH Safudin Čengić govoreći o predstojećim aktivnostima, kao prioritetno je izdvojio rješavanje pitanja rasterećenja privrede, odnosno smanjenja doprinosa i poreza koji su među najvećim u Evropi.

Također, kako je dodao, moramo pronaći način da privolimo investitore da ulažu u Federaciju BiH i BiH, te pokrenuti određene infrastrukturtne radove koji će omogućiti zapošljavanje privrednih subjekata i novih radnika.

Što se tiče kolektivnih ugovora na nivou FBiH, ovo udruženje traži da se podhitno raskinu postojeći ugovori i potpišu novi koji bi bili adekvatni realnom trenutku.

Čengić je dodao da UPFBiH ima oko 3000 pojedinačnih članica i oko 50 kolektivnih članica, kao što su udruženja banaka, zanatlija i slično.

U proteklom periodu, kazao je Čengić, napravljen je značajan iskorak u smislu proširenja članstva. Upravni odbor Udruženja poslodavaca odluke donosi jednoglasno i svaki put sjednice održava u drugom gradu, gdje se okupe poslodavci sa tog područja i sa njima razgovara o problemima sa kojima se suočavaju. Ponašamo se odgovorno prema svakom pitanju koje se stavi na dnevni red, a aktivno smo učestvovali i u radu Ekonomsko-socijalnog vijeća na kome smo iznijeli svaki aktuelni problem sa kojim se susreću poslodavci - dodao je Čengić.

Nedim Čehajić, IN doo Sarajevo



Nedim Čehajić, direktor kompanije IN istakao je da Udruženje poslodavaca FBiH treba u ovoj godini, između ostalih, aktivnosti svoj rad usmjeriti i prema grani građevinarstva jer ova kompanija dolazi iz ove oblasti. Naveo je da je naša zemlja jedina koja nema ministarstvo građevinarstva i da je neophodno uspostaviti ovo ministarstvo kako bi se zakonske regulative vezane za ovu oblast pojednostavile i na taj način pomoglo građevinskim kompanijama.

„Obzirom da sam aktivan član Udruženja ovim putem vas obavještavam da ćemo u ovoj godini pokušati okupiti građevinske kompanije i sublimirati sve zahtjeve da bi promjenili i uticati na donošenje nekih zakona i amandmana uz sve druge pravne i zakonske mehanizme. Rješavajući krucijalne stvari i stvarajući partnerski odnos stvorićemo bolji ambijent za građevinarstvo“, rekao je Čehajić.

Bećir Čengić, El Tarik Oil Sarajevo



Bećir Čengić, direktor kompanije El Tarik Oil koji je u svom izlaganju naveo da u principu on i njegova kompanija imaju korektnu saradnju sa predstavnicima vlasti ali ih ovom prilikom moli da pomognu privrednicima u prevazilaženju trenutne krize.

Nijaz Skenderagić, Ataco iz Mostara u svom izlaganju rekao je da investicije iz Bosne i Hercegovine odlaze u susjedne zemlje kao što je Srbija i Makedonija. Odnos između privrednika i predstavnika vlasti treba uozbiljiti jer mi smo ti koji zapošljavamo ljudi i punimo budžete. Vlasti i poslodavci bi trebali razgovarati o mjerama ekonomске politike i u tom duhu želim predložiti slijedeće;

- najmanje jednu do dvije tematske Skupštine zajedno sa predstavnicima vlasti, sindikatima i privrednicima,
- predlažem da se uputi javni apel da se prestane sa javnom sijećom direktora u javnim preduzećima i da njihovo zapošljavanje bude preko javnih konkursa u skladu sa programima rad,
- predlažemo da Upravni odbor UPFBiH uputi javni apel u vezi formiranja ekzistektne vlade od stučnjaka i eksperata i da naš Upravni odbor ponudi konkretnе mјere prema vladи,
- potrebno je ispitati ko su ljudi koji nas zastupaju u komorama i to prvenstveno u Vanjskotrgovinskoj komori BiH
- također predlažem da Udruženje pokuša naći način i taktiku saradnje sa medijima jer moramo biti prisutni u medijima što više, te moramo podržavati medije koje podržavaju nas kako elektronske tako i printane.

**Miljenko Čolak, Lager doo Posušje**

Miljenko Čolak, direktor Lager ovim putem želim posjetiti na naš društveni položaj. Naime Udruženje poslodavaca je samo partner i mi možemo koristiti našu vještina i dobre sposobnosti da sa vlašću stvorimo partnerske odnose i stvorimo jedan dobar okvir za poslovanje i dobar okvir za investicije. Nadam se da će naše vodstvo koristiti pregovaračke vještine da bismo ostvarili pozicije da možemo raditi kvalitetan posao.

Jedan od ključnih zaključaka ove Skupštine po pitanju prezentovanih izvještaja jeste da Udruženje poslodavaca FBiH mora biti neuporedivo bolje organizovano i finansijski stabilno, te Program rada za 2013. godinu treba biti osnova za budući rad Udruženja, a sve druge aktivnosti treba razvijati.

Darija Marković, Privredna štampa Sarajevo

Darija Marković, koordinator za marketing Privredne štampe je je ovim putem pozvala predstavnike Udruženja poslodavaca da u budućnosti rade zajedno na projektu 100 najvećih. Također je pozvala predstavnike Udruženja da kroz mjesечно izdanje časopisa Poslovne novine promovišu rad i aktivnosti Udruženja.



Igor Baroš, Baroš doo Sarajevo

Igor Baroš, Baroš doo je u svom izlaganju podržao rad Udrženja i o važnosti postojanja organizacija poslodavaca uključujući i komore.

Baroš je naveo da i Privredna komora i Udrženje trebaju privredi ali ovo što se dešava sa Privrednom komorom KS je katastrofa, to je bruka za nas koji se zovemo privrednici. Privredna komora KS želi formirati udrženje koje će imati dobrovoljno članstvo. Smatram da je takav potez neprimjeren i da organizovani na takav način ne možemo izlaziti pred vlasti jer ćemo ostaviti neozbiljan dojam. Potrebno je da radimo zajedno ali ne smijemo se duplirati.

Brano Vujičić, Ping doo Sarajevo

Brano Vujičić, Ping doo je govorio o komunikaciji sa javnostima. U Programu rada jeste navedeno da se moraju razvijati odnosi sa medijima ali čini mi se da ta saradnja još uvek nije razvijena na najbolji nacin. Kada govorimo konkretno o medijima misljenja sam da Udrženje treba okupljati medije, ne samo kroz press konferencije nego kroz neko druženje trazeci nekoliko novinara koji bi nas konkretnije pratili. Također je potrebno vrsiti promociju i rad Udrženja kroz moderne kanale komunikacije kao sto je facebook, twitter itd.

Mladen Pandurević, direktor UPFBiH

Mladen Pandurević, direktor UPFBiH je ovim putem rekao da je jedan od zadataka Udrženja da se od vlade traži rasterećenje privrede. Vlada je formirala radnu grupu u kojoj učestvujemo mi i veliki broj institucija FBiH, međutim, do danas nismo dobili ni jedno rasterećenje. Ovih dana dostavljen nam je Prednacrt zakona o porezu na dobit kroz koji se ograničava takav porez. Direktor je ovim putem pozvao poslodavce da dostave svoje primjedbe kako bi na radnoj grupi došli sa konkretnim i jasnim ciljevima u vezi navedenog Prednacrta zakona.

„Moramo insistirati da 1 do 2 % rasterećenja doprinosa. Na nasu inicijativu uspjeli smo ukinuti plaćanje nakanade za turističke zajednice i takse za šume na Federalnom nivou, međutim, trenutno kantoni žele uvesti ponovno isto opterećenje. Ovo su stvari koje se ne smiju raditi, moramo svakodnevno slati ovu poruku tražeći da se rastereti privreda“, istakao je Pandurević.

Petar Ćorluka, Violeta doo je obraćajući se prisutnima rekao „ Mislim da su u BiH dosta korektni propisi u odnosu na propise Hrvatske i Slovenije ali novi propisi konkretno Prednacrt Zakona o porezu na dobit, koji sam dobio od Udrženja, me je skamenio. Jedina svjetla tačka ovog propisa je da se porez na dobit ko investira u proizvodnju se ne oporezuje.

Molim prisutne koji se bave proizvodnjom i izvozom da se izjasne sta to za njih znači i koja je uopšte motivacija da se dalje zapošljava, da se investira i da se bori sa konkurenčijom.“

**Suad Hasanbašić, Centar doo Jelah**

Suad Hasanbašić, Centar doo Jelah potrebno je donijeti zaključak da se hitno stupi u akciju rješavanja problema u vezi Naredbe o nadležnosti carinskih ispostava za carinjenje određenih vrsta roba porijekлом iz Afrike i Azije.

Udruženje poslodavaca u svom Programu rada za 2013. godinu kao jednu od prioritetnih aktivnosti mora imati i ovu direktivu.

**Vinko Križan, zamjenik direktora
Porezne uprave FBiH**

Prisutnima se obratio i zamjenik direktor Porezne uprave FBiH Vinko Križan. Križan je naveo da je potrebno radikalno vršiti izmjenu zakona u tome da se oporezuje potrošnja, a ne rad i proizvodnja. Mi smo vaš servis i vama na usluzi, istakao je Križan.

Jedan od najvažnijih zaključaka sa ove Skupštine jeste da će predstavnici vlasti i privrednici u što skorijem roku početi zajednički raditi na stvaranju boljeg poslovnog ambijenta u BiH. Važno je istaknuti da su predstavnici izvršne i zakonodavne vlasti izrazili svoju spremnost raditi direktno sa privrednicima na pripremama zakona i zakonskih propisa koji se direktno ili indirektno tiču privrede.

Na ovom skupu pored brojnih članica i gostiju prisustvovao je i veliki broj printanih i elektronskih medija iz cijele Bosne i Hercegovine. Nakon održavane Skupštine upriličen je i koktel na kojem su privrednici i predstavnici vlasti nastavili razgovore o mogućnostima i načinima poboljšanja bh ekonomije.

Sve materijale o kojima se raspravljalo možete preuzeti na našoj web stranici www.upfbih.ba ili na slijedećem linku; <http://www.upfbih.ba/index.php/organi/skupstina/sjednice/176-sjednica12>



Poštovani,

U nemogućnosti da prisustvujemo današnjoj skupštini Udruženja poslodavaca, na ovaj način želimo da prezentiramo naš stav po ponuđenim materijalima.

Izvještaj o radu Udruženja, Program rada, kao i učešće u ESV pokazuju da se Udruženje bavi suštinskim pitanjima od interesa za privredu, a u krajnjem i za cijekupnu zajednicu u okviru BiH.

Nezadovoljavajući efekti, mislimo da su prije svega odraz političkih prilika u Federaciji, koji ne dozvoljavaju da u prvi plan rješavanja dođu pitanja bitna za privredni razvoj.

Naše sugestije za naredni period su slijedeće:

- Da Udruženje FBiH podstiče osnivanje općinskih udruženja, gdje je također mnoštvo privrednih problema, koji se moraju rješavati na lokalnoj zajednici, a sa jakim općinskim udruženjima znatno jača i viši nivo organizovanja privrednih društava.
- Da se u planu rada Federalnog Udruženja neka pitanja konkretnije definišu kao:
- U cilju povećanja likvidnosti ograničiti rokove plaćanja na maximalno 60 dana.
- Otvoriti raspravu o mogućnosti plaćanja PDV-a po naplati.
- Zahtijevati kontinuitet u radu svih institucija koje mogu pomoći privredni napredak.
- Kadar se može naći prerasporedom u okviru državnih organa svih nivoa, jer dok je privreda u recesiji smanjivala broj zaposlenih, to se u državnim organima nije desilo.
- Da se pokrenu aktivnosti na projektu energetske učinkovitosti tj. utopljavanju javnih ustanova (škola, zdravstvenih ustanova, obdaništa i sl.) koji se kreditiraju iz evropskih fondova i banaka, a vraćaju se iz uštede u energiji. U ovom trenutku to je za nekoliko narednih godina najbrži način zapošljavanja.
- Pojačati pritisak na učinkovitosti rada Asocijacije poslodavaca BiH kako bi pitanja ekonomije došlo u prvi plan i na tom nivou. Tu prije svega mislimo na konačno usvajanje novog ZJN jer je postojeći trenutno najveći izvor korupcije pošto je država ako ne jedini, onda dominantno najveći investitor.

I ubuduće podržavamo nastavak rješavanja svih pitanja navedenih u Izvještaju, u cilju stabilizacije ekonomskih prilika u zemlji.

Udruženje poslodavaca Zenica

Senaida Turkić
Predsjednica Upravnog odbora



Poslodavci protiv predloženog Prednacrtu zakona o porezu na dobit



Članovi UPFBiH sa predstavnicima Ministarstva finansija

Zenica, Violeta doo Grude, Fabrika duhana Sarajevo, HT Eronet d.d. Mostar, Intesa San Paolo banka BiH, Energoinvest dd Sarajevo i Centrotrans-eirolines dd Sarajevo), predsjedajući Radne grupe za poreske reforme Marin Ivanišević i predstavnici Ministarstva finansija FBiH Hajrudin Hadžimehanović, Nermin Šahinović i Jasmina Pavlović.

Na sastanku se raspravljalo o primjedbama Udruženja poslodavaca FBiH koje su plod konsultacija sa preko 2000 članica, a na kojima su direktno radili najveći privredni subjekti iz BiH. Zajednički stav i predstavnika privrede je da Prednacrt Zakona o porezu na dobit je u potpunosti neprihvatljiv i jednoglasno su se izjasnili da ne podržavaju prednacrt ovog Zakona. Naime navedenim Zakonom je predloženo ukidanje poreznih olakšica koje stimuliraju proizvodnju i izvoz kao osnovne stupove razvoja realnog sektora a samim time i cjelokupne privrede jedne države. Trenutno važeće porezne olakšice u tom pogledu, omogućuju i potiču "zdrave" privredne subjekte u Federaciji, kao i strane investitore, da ostvarenu dobit usmjeravaju u proizvodnju i na taj način, stvaraju novu vrijednost, otvaraju nova radna mjesta u proizvodnji i povećavaju konkurentnost same države.

Ukidanje trenutno važećih poreznih olakšica kratkoročno bi "zakrpano" proračunske rupe dok bi dugoročno dovelo do "gušenja" proizvodnje i izvoza, izvlačenja stranog kapitala, smanjenja novih investicija, smanjenja radnih mjesta, a što bi ozbiljno utjecalo i na ukupnu ekonomsku i političku stabilnost države.

Amandmane ne predloženi Prednacrt zakona možete preuzeti na slijedećem linku; <http://www.upfbih.ba/attachments/article/183/PRIMJEDBE.pdf>

Prednacrt zakona o porezu na dobit privrednicima je ne prihvatljiv

Ponuđeni tekst Zakona o porezu na dobit u Federaciji BiH je neprihvatljiv i predstavlja direktni udar na privredu, zbog čega ga u svakom slučaju treba odbiti – izjavio je Šefkija Botonjić, predsjednik Privredne komore ZDK nakon sastanka u sjedištu ove komore kojem su prisustvovali predstavnici najvećih izvoznih kompanija u ZDK. Novi zakon najviše bi pogodio Zeničko-dobojski kanton, koji je najveći izvoznik i investitor u FBiH, jer je raniji zakon predviđao olakšice u vidu oslobođanja od plaćanja poreza na dobit za izvozne kompanije. Predloženo zakonske rješenje sve

Na inicijativu Udruženja poslodavaca FBiH i velikog broja privrednika održan je sastanak u Ministarstvu finansija FBiH.

Tema sastanka je Prednacrt zakona o porezu na dobit na čiji tekst su privrednici imali veliki broj primjedbi koji su u protekloj sedmici u pisanoj formi dostavili stručnoj službi Udruženja.

Sastanku su prisustvovali članice Udruženja (Deloitte doo Sarajevo, Tvorница cementa Kakanj, Grafotisak doo Široki Brijeg, Sisecam soda Lukavac, BSI doo Jajce, Bihaćka pivovara doo Bihać, BH Telecom dd, Coca - Cola HBC BH, Čosićpromex doo Usora, Klas doo Sarajevo, Arcerol Mittal

aktere privrede u Federaciji BiH stavlja u krajnje nepovoljan položaj. Bit će manje investicija i postoji realna opasnost da će sadašnji investitori otići iz BiH, čime će doći do pada izvoza i samim tim broja zaposlenih. Privrednici ZDK će se svim legalnim sredstvima boriti da se zakon ne usvoji – istakao je Botonjić. (bm)



Održana 10. sjednica UO Udruženja poslodavaca FBiH



Članovi UO UPFBiH

Početkom mjeseca marta održana je 10. Proširena sjednica Upravnog odbora Udruženja poslodavaca FBiH.

Na sjednici se raspravljalo o položaju javnih komunalnih preduzeća. Zaključeno je da se njihov položaj iz godine u godinu stalno pogoršava, te da zakoni o komunalnoj privredi nisu doneseni u svim kantonima ili su prepisivani oni predratni, ili se ne primjenjuju, što ne pruža adekvatan pravni okvir za poslovanje komunalnih preduzeća. Također je istakao da niti jednim propisom, pa ni starim Zakonom o komunalnim djelatnostima nije riješeno pitanje osnovnih principa i neophodnih minimalnih uslova za obavljanje komunalne djelatnosti. Zakon o komunalnim djelatnostima SR BiH (Službene novine SRBiH 20/90) je zastario u smislu društvenih promjena

i savremenih normi, a i sa aspekta društveno-političkog i pravnog ustrojstva.

Donošenjem novog zakona bili bi regulisani osnovni principi komunalne privrede, te prava i obaveze javnih komunalnih preduzeća i njihovih osnivača, a sve u cilju izjednačavanja kriterija i propisa na osnovu kojih bi osnivači komunalnih preduzeća mogli donijeti podzakonske akte kojim će bliže regulisati opšte uslove za obavljanje komunalnih djelatnosti.

S tim u vezi Na XII Skupštini Udruženja/Udruge poslodavaca komunalne privrede u FBiH, održanoj 03.10.2012. godine u Zenici, usvojen je konačan tekst radnog materijala Zakona o komunalnoj privredi u Federaciji BiH koji je dostavljen svim članovima UO.

Članovi UO su podržali Prijedlog Zakona o komunalnoj privredi u FBiH te je zaključeno da se uputi Prijedlog uputi Ekonomsko socijalnom vijeću FBiH.

Na sjednici se raspravljalo i o zahtjevu Privredne komore KS koja je uputila pismo kompanijama članicama PK KS kojim traži delegiranje predstavnika za osnivačku skupštinu Udruženja poslodavaca. Radi se o potpuno neprincipijelnom pokušaju podjele poslodavačkog sektora, a sve zbog ličnih ambicija i frustracija, koja na kraju može dovesti do gubljenja dostignutih pozicija poslodavaca u tripartitnom dijalogu. Jedini razlozi za poziciju u kojoj se nalazi komora su, prema njima, nepostojanje obaveznog članstva i djelovanje Udruženja poslodavaca FBiH. Koliko je to tačno procijenite sami, istakao je gđin. Pandurević. U istim takvim uslovima djelujemo i radimo i to nam nije smetalo da kvalitetom svog rada u našem članstvu iz Kantona Sarajevo imamo više od 2.500 poslodavaca znači 13 puta više nego PK Kantona Sarajevo.



Selim Babić, predsjednik Udruženja komunalne privrede FBiH

VIJESTI IZ UDRUŽENJA

UO je zaključio da svaki poslodavac koji upošljava ima pravo da osnuje Udruženje poslodavaca. UO se suprostavlja bilo kakvim inicijativama koje dolaze iz Privrednih komora odnosno inicijativa koje su u interesu uposlenika PK a ne članova PK. Zadužuje se UO i sve članice UPFBiH da se na pravi način objasni mjesto i uloga Udruženja poslodavaca i Privrednih komora. S tim u vezi UPFBiH je planiralo da organizuje Konferenciju „Mjesto i uloga UP i PK“ na kojoj bi angažovali 3-4 eksperta iz inostranstva i zemlje. Na Konferenciju će biti pozvani što veći broj kompanija iz FBiH.

Na sjednici se također raspravljalo i o aktivnostima Grupacije špeditera/logističara po pitanju komunikacija sa Upravom za indirektno oporezivanje te Naredbom UIO.

Salko Kruho, član UO je upoznao prisutne sa aktivnostima Grupacije koje su do sada poduzeli u cilju rješavanja problema izazvanih teškoćama, kao posljedica Naredbi UINO BiH, a naročito Naredbe o nadležnosti carinskih ispostava za carinjenje određenih vrsta roba porijeklom iz Afrike i Azije.

Grupacija špeditera-logističara pri Udruženju poslodavaca FBiH je u saradnji sa UPFBiH poduzelo niz aktivnosti :

organizovan sastanak sa gdinom Džakulom; organizovan sastanak sa preko 50 kompanija iz oblasti špedicije; Zatražen je ponovo sastanak sa direktorom UINO BiH; Obratili se Sektoru za carine dopisom na temu nadležnosti CI; Upućen dopis sa zahtjevima prema UINO BIH; Upućen dopis sa aktuelnom problematikom institucijama, ambasadama i političkim partijama.

Salko Kruho je istakao da je najveći problem nekomunikacija sa predstavnicima Vlasti. S tim u vezi istakao je da poslodavci ne smiju odustati i da trebaju insistirati na sastanku sa gdinom. Džakulom na kojem će mu iznijeti sve probleme.

Dogovoren je da će Grupacija špeditera/logističara kao i druge članice UPFBiH koje imaju problema sa primjenom Naredbi UIO, u veoma kratkom roku pripremiti pitanja kojima ukazuju na probleme, pripremiti rješenja problema te tražiti sastanak sa predstavnicima UIO. Delegacija za sastanak će se formirati kada se odredi termin sastanak.



Upravni odbor održan je u prostorijama kompanije Arcerol Mittal

Izvještaj o napretku BiH u procesu Europskih integracija

U okviru pripreme " Izvještaja o napretku BiH u procesu Europskih integracija " delegacija poslodavaca odazvala se pozivu Ureda specijalnog predstavnike Europske Unije i prisustvovala sastanku na kojem je iznijela svoja viđenje o reformama koje se provode u oblastima ;

- pravosuđa
- borbe protiv korupcije i organiziranog kriminala
- stanju u BH ekonomiji
- nezaposlenosti i mjerama koje Vlade na svim nivoima poduzimaju u oblasti zapošljavanja
- vanjskoj trgovini i mjerama koje BiH poduzima na pripremi BH za ulazak susjedne Hrvatske u EU,
- reformi tržišta rada
- borbi protiv sive ekonomije
- konkurentnosti BH ekonomije i mjerama koje se poduzimaju na podizanju nivoa konkurentnosti,
- društvenom dijalogu na svim nivoima
- vanjska i interna zaduženost i mjerama za njeno rješavanje,
- kreditnim aranžmanima i u koje se svrhe kreditna sredstva koriste,
- političkim utjecajima u dodjeli državne pomoći.

Sastanku su prisustvovali predstavnici Asocijacije poslodavaca BiH, Udrženja poslodavaca Federacije BiH, Unije Udrženja poslodavaca Republike Srpske, Udrženja poslodavaca distrikta Brčko, Udrženju banaka BiH i Vanjsko-trgovinske komore BiH.

U diskusiji u kojoj su učestvovali svi prisutni predstavnici poslodavačkih organizacija izneseni su kritički stavovi o stanju u svim navedenim oblastima i nedostatak interesa Vlasti na svim nivoima i mišljenje da se Vlasti nedovoljno angažiraju na pitanjima i inicijativama koje pokreću i predlažu predstavnici poslodavaca. Naročito je podcrtao mačehinski odnos prema privatnom sektoru, a da je sva pažnja posvećena kako obezbijediti dodatna sredstva za pokrivanje troškova i gubitaka u javnom sektoru.

Ono što posebno zabrinjava poslodavce je pad zaposlenosti u realnom sektoru a porast zapošljavanja u javnoj upravi i preduzećima u kojima je Vlada većinski vlasnik.

Poslodavci traže da se reforme javne uprave provedu u što kraćem roku, da se stvore povoljniji uvjeti za pokretanje investicija u realnom sektoru i izvrši promptno smanjenje opterećenja kao preuvjet za dinamičniji ekonomski napredak.



Udruženje privrednika Biznis Centra Jelah/ Tešanj potpisali Pristupnicu Udruženja poslodavaca FBiH

U Tešnju se od 11. do 14. aprila održavao 9. sajam privrede "Biznis 2013. Tešanj", na kojem se predstavilo više od 80 izlagača iz BiH, Srbije i Slovenije.

Sajam su otvorili Emina Salkičević-Dizdarević, zamjenica ministra vanjske trgovine i ekonomskih odnosa BiH i Izudin Ahmetlić, direktor poduzeća HIFA d.d. Tešanj.

Načelnik Općine Tešanj Suad Huskić je prilikom otvaranja Sajma rekao da se "lokalna privreda razvija i u složenim prilikama u zemlji i da privrednici imaju prioritet u radu lokalne administracije, dok je jedan od primarnih ciljeva sajma razvoj privrede te promocija i kupovina domaćih proizvoda, ali i uspostavljanje poslovnih veza za veći razvoj izvoza BH proizvoda."

Otvorenju Sajma su prisustvovali predstavnici ambasada u BiH (Slovenija, Crna Gora, Mađarska, Austrija, Japan, Češka, Makedonija), predstavnici sa državnog, federalnog, kantonalnog i općinskog nivoa vlasti, te mnogobrojni privrednici i građani.

Na dan otvaranja Sajma upriličeno je i potpisivanje pristupnice Udruženja privrednika Biznis Centar – Jelah/Tešnja u članstvo Udruženja poslodavaca Federacije Bosne i Hercegovine. Ovim činom je UPFBiH bogatije za preko 150 novih članova, novih privrednika i poslovnih subjekata iz tešanske regije, što ne samo da doprinosi brojnosti UPFBiH, već i donosi snagu jedne regije prepoznatljivu po svojem privrednom razvoju. S druge strane, Biznis Centar Jelah ulaskom u UPFBiH dobija legitimnu snagu da svoj poslovni ambijent olakšava pogodnostima za koja će se sada zalagati kroz UPFBiH, a koja su bitna karika u daljem razvoju poslodavaca iz te regije, naglasio je Osmo Saračević, predsjednik Biznis Centra.



Tešanjski sajam privrede



Pristupnicu je potpisao Osmo Saračević, predsjednik Biznis Centra Jelah/ Tešanj



Direktor Udruženja i predsjednik Biznis Centra Jelah/Tešanj

Sajam studentskih poslova - SSP 2013



Studentski parlament Univerziteta u Sarajevu pokrenuo je projekat pod nazivom "Sajam studentskih poslova - SSP 2013". Sajam će biti održan u Sarajevu, 25. i 26. aprila tekuće godine u prostorijama Doma mladih - Skenderija. Planirano je da "SSP 2013" bude najveći sajam ovoga tipa, jer projekat uključuje sve grupacije fakulteta Univerziteta u Sarajevu.

Sam projekat ima za cilj da omogući interaktivni susret između perspektivnih mladih ljudi i potencijalnih poslodavaca.

Poslodavci će u sklopu Sajma imati priliku prezentirati rad svoje kompanije studentskoj populaciji te istoj ponuditi mogućnost volontiranja, sezonskog zaposlenja, honorarnog rada, obavljanja pripravničkog staža, te obavljanja stručne

prakse. Sajam studentskih poslova 2013 također pruža mogućnost interakcije sa sličnim kompanijama ili kompanijama od interesa, s obzirom na to da je planirani broj kompanija veliki.

SSP 2013 će studentima, pored susreta sa poslodavcima, omogućiti pohađanje kratkih edukacija i radionica iz oblasti poslovnih vještina. Na Sajmu će biti prezentiran i Zakon o volontiranju koji je stupio na snagu u januaru 2013. godine, kao i seminar na temu 'Usklađivanje obrazovnog sistema sa potrebama tržišta rada', u sklopu kojeg će se povući paralela između bolonjskog procesa i starog programa.

Učešćem na Sajmu studentskih poslova 2013. poslodavci dobivaju pristup potencijalnim kandidatima za buduće zaposlenje a ujedno bivaju predstavljeni kao društveno odgovorni koji ulažu u budućnost mladih.

Projekat će medijski poprati najveće medijske kuće sa naših prostora i podržan je od strane Univerziteta u Sarajevu i Ministarstva za obrazovanje, nauku i mlade Kantona Sarajevo.

Za sve informacije se možete obratiti na bih.support@boljiposao.com ili sajam.poslova.spus@gmail.com.

Oformljena radna grupa za izradu Zakona o cjeloživotnom učenju



Početkom aprila mjeseca počela je sa radom radna grupa za izradu Zakona o cjeloživotnom učenju, na nivou Federacije BiH, a čiji rad organizira Federalno ministarstvo obrazovanja i nauke.

Bitno je istaći da članovi radne grupe dolaze kako iz obrazovnog, tako i privrednog sektora (Udruženje poslodavaca FBiH), sektora zapošljavanja, te da su prisutni i predstavnici sindikata. Poseban značaj ovoj radnoj grupi pridaje učešće stručnjakinje za andragogiju

prof.dr. Mirjane Mavrak sa pedagoškog odjela Filozofskog fakulteta u Sarajevu, koja izradi ovog zakona daje doprinos sa naučne strane. Nakon prvog sastanka radne grupe dogovoreno je da se sakupe različita mišljenja, ideje i sugestije svih učesnika radne grupe, kako bi na slijedećem sastanku radne grupe mogli konkretizovati i napraviti logički okvir i dinamiku izrade dokumenta.

U okviru mostarskog sajma održana je radionica pod pokroviteljstvom Delegacije Evropske Unije u BiH



Učesnici radionice

U okviru mostarskog sajma održana je radionica pod pokroviteljstvom Delegacije Evropske Unije u BiH, koja je za cilj imala predstavljanje rezultata dosadašnjeg ulaganja u sektor malog i srednjeg preduzetništva, ali i ukazano na neke mogućnosti koje se u budućem periodu mogu iskoristiti u BiH. Martin Schieder, šef Operativnog odjela za ekonomski razvoj, prirodne resurse i infrastrukturu u Izaslanstvu EU-a i EUSR-a, istaknuo je kako je pred Bosnom i Hercegovinom velik posao, jer se prema zadnjim istraživanjima Svjetske banke o zemljama u kojima je najbolje poslovati BiH nalazi tek na 125. mjestu.

- BiH ima velike mogućnosti privlačenja novca iz EU-a za razvoj srednjeg i malog preduzetništva, kao i jačanje prekogranične i transnacionalne suradnje, a poželjno je da što skorije uđe u EU zbog iskorištavanja što većeg finansijskog 'kolača' iz fondova koji je daleko veći od onog iz fondova za prekograničnu suradnju, kazao je Schieder tokom radionice o IPA-1 i IPA-2 komponentama.

Ostali sagovornici su istakli kako se neke bitne stvari moraju što hitnije uraditi, a između ostalog i strategija razvoja za mala i srednja poduzeća, kako bi se

preduzetnici bolje pozicionirali prilikom svojih vizija o iskorištavanju fondova EUD i zemalja EU.

- EU je osigurao 20 milijuna eura sredstava u smislu potpore lokalnim preduzetnicima u BiH. Usredotočili smo se na mala i srednja preduzeća, kazao je Schieder.

Direktorica Direkcije za evropske integracije BiH Nevenka Savić je istakla kako se završio ciklus programiranja u razdoblju od 2007. do 2013., te da se sad priča o novom proračunu koji će se odnositi na razdoblje od 2014. do 2020.

- Važno je pozicionirati ovaj sektor na vrijeme kako bi se u sljedećem proračunskom razdoblju moglo računati na dodjeljivanje i finansijsku potporu za sektor MSP-a, a sve u suradnji svih nadležnih institucija, dodala je Savić. Vesna Grković, programska menadžerica za MSP i lokalni ekonomski razvoj pri Izaslanstvu EU-a, rekla je da se može reći kako je u prošlosti oko 25 milijuna eura utrošeno u BiH kroz razne programe u oblasti regionalnog razvoja u smislu potpore MSP-u kroz pružanje konzultantskih obuka i drugih oblika pomoći.

- Kroz IPA fondove imamo nekoliko većih programa tehničke pomoći, jer je sedam miliona eura u ovoj oblasti trenutno u opticaju. Projekti koje provodimo vezani su uz potporu BiH za uspostavu standarda kvaliteta, prije svega ISO standarda, potom ostalih koji će pomoći privrednicima da budu konkurentni, kako na domaćem, tako i na inostranom tržištu, kazala je Grković. Uskoro planiraju objaviti konkurs u smislu potpore lokalnom ekonomskom razvoju kroz lokalna partnerstva u koje misle uložiti oko tri miliona eura.

Najvažnija je priprema

Ebdera Biković, programska menadžerica za programe prekogranične saradnje, istakla je kako se neke komponente IPA 2 odnose na prekograničnu saradnju, a da se BiH nalazi u tri programa prekogranične i tri programa transnacionalne saradnje. Navela je kako je BiH u bilateralnim programima imala otvorene pozive

preko kojih su ugovorili oko 90 poslovnih ugovora te kako bi trebali ojačati institucije koje bi bile u mogućnosti izvući novac iz strukturalnih fondova nakon što BiH postane članica EU-a.

Senad Lulo iz Direkcije za evropske integracije naveo je potrebu jačanja stabilnosti i prosperiteta pograničnih područja koja su slabije razvijena od središnjih. Kazao je kako se tu radi o jačanju sigurnosti granica, prirodnog kulturnog nasljeđu, ekologiji, na što treba aplicirati projektima na ponuđene grantove. Istaže kako je vrlo bitno pripremiti projekte za kohezijske fondove i fondove za ruralni razvoj, jer su to fondovi koji imaju mnogo više novčanih sredstava od fondova za prekograničnu suradnju.

- Bilateralni fondovi za idućih sedam godina iznose oko 30 miliona eura, a aplikanti iz BiH mogu dobiti čak 14,5 miliona eura. Već na prvom pozivu za apliciranje je bilo 218 prijava, a 44 su dobile novčana sredstva, rekao je Senad Lulo, najavivši uskoro i nove konkurse.



Predstavnici Delegacije Evropske Unije u BiH

PUM Projekat

Iskusni preduzetnici i profesionalci iz Holandije pružaju odličnu mogućnost za preduzetnike iz BiH za unapređenje poslovanja

PUM Netherlands senior experts

Mala i srednja preduzeća koja sebi ne mogu priuštiti komercijalne konsultante se mogu obratiti PUM-u za savjet. Već više od 30 godina PUM senior eksperti kao volonteri distribuiraju svoje znanje i iskustvo preduzetnicima iz cijelog svijeta.

Način kako pružanje besplatne konsultantske pomoći funkcioniše je veoma jednostavan: Preduzetnici iz BiH koji imaju specifičan poslovni problem se obrate lokalnom predstavniku PUM-a, te zajedno kreiraju aplikaciju za angažman eksperta. Nakon evaluacije aplikacije od strane PUM-a, ekspert iz Holandije dolazi u BiH, analizira problem i daje praktična rješenja.

To se može odnositi npr. na unapređenje kvaliteta proizvoda, unapređenje poslovnih procesa, logistiku, pakovanje, menadžment, marketing, HRM, identifikaciju prilika za rast biznisa, nabavku opreme, itd.

PUM senior eksperti posjeduju bogatu ekspertizu u svim oblastima ekonomije i biznisa: poljoprivreda, turizam, drvna industrija, tekstilna industrija, metalska industrija, prehrambena industrija, energetika, građevinarstvo, finansije, transport i poslovna logistika, trgovina, marketing, HRM, menadžment, itd. Mnogi od eksperata su bili vlasnici ili su vlasnici sopstvenih biznisa, a ostali imaju zavidno menadžersko i specijalističko iskustvo u holandskim korporacijama.

Pošto su eksperti volonteri, troškovi koje preduzeća iz BiH imaju su minimalni i odnose se samo na obezbjeđenje smještaja i ishrane za eksperta tokom boravka u BiH. Trajanje posjete eksperta je maksimalno dvije sedmice.

Uslovi za apliciranje su sljedeći:

- registracija preduzeća u BiH,
- minimalno dvije godine poslovanja od dana registracije,
- preduzeće ima više od 11, a manje od 250 zaposlenih,
- vrijednost kapitala je manja od 10 miliona EUR,
- obim godišnjeg prihoda je manji od 10 miliona EUR i
- inostrano vlasništvo u preduzeću je manje od 50%.

PUM u brojkama:

- 3.200 senior eksperata,
- znanje i ekspertiza u 75 sektora ekonomije i
- više od 2.000 projekata se godišnje implementira u 70 zemalja svijeta.

PUM program je podržan od strane Ministarstva vanjskih poslova i infrastrukture i okoliša Holandije. Više informacija o PUM programu možete pronaći na web stranici www.pum.nl. Lokalnog predstavnika PUM programa za sve informacije i apliciranje možete kontaktirati telefonom na +387 60 321 0521.

Pregovori za kolektivni ugovor za granu finansija



Predstavnici Pregovaračkih timova Grupacije i Sindikata

U sklopu Udruženja poslodavaca FBiH oformljena je Grupacija poslodavaca iz oblasti finansijskog poslovanja. U cilju poboljšanja poslovanja i stvaranju što povoljnijeg poslovnog ambijenta u BiH ova Grupacija poslodavaca je u svom dosadašnjem radu održala niz sastanaka Upravnog odbora.

Također su organizovan i pregovarački tim Grupacije poslodavaca iz oblasti finansijskog poslovanja i Sindikata finansija, a u vezi zaključivanja Novog kolektivnog ugovora za granu finansija. Pregovarački tim Grupacije poslodavaca iz oblasti finansijskog poslovanja je predložio da se prilikom pregovora raspravlja član po član Novog kolektivnog ugovora za granu finansija koji je pripremio Sindikat sa čim su se složili i predstavnici Sindikata.



Sastanci se održavaju u prostorijama UPFBiH

Projekat poboljšanja poslovnog okruženja u BiH



Međunarodna finansijska korporacija (IFC), članica Grupacije Svjetske banke i Vijeće ministara Bosne i Hercegovine u decembru 2012. godine potpisali su Ugovor o saradnji u oblastima regulatorne reforme, poljoprivrede, investicijske politike, te trgovinske logistike.

Taj zajednički projekt, rezultat je opredjeljenja Vijeća ministara da Bosnu i Hercegovinu učini konkurentnijom i privlačnijom za investitore kroz pojednostavljivanje administrativnih postupaka, povećanje rasta izvoza, jačanja poljoprivrede i trgovinske logistike, navedeno je na zvaničnom sajtu Ministarstva vanjske trgovine i spoljnih odnosa.

Osnovni ciljevi Projekta su smanjenje administrativnih opterećenja prilikom poslovanja u BiH, osiguravanje efikasnog pojednostavljivanja administrativnih postupaka u vezi sa za uvozom i izvozom u ključnim izvoznim sektorima i u poljoprivredi, omogućavanje rasta izvoza u ključnim izvoznim sektorima i jačanje konkurentnosti poljoprivrednog sektora.

Takođe, projektom se želi osigurati efikasnost i transparentnost u ciljanom usmjeravanju fiskalnih i nefiskalnih podsticaja, privlačenje stranih ulaganja putem Strategije promocije poljoprivrednog sektora i programa servisiranja ulagača, smanjenje ograničenja na trgovinsku logistiku i usklađivanje carinjenja na granici kroz regionalnu saradnju.

Važni zadaci su i liberalizacija robne trgovine i osiguravanje daljnog usklađivanja pravila s EU praksama u vezi s regionalnim trgovinskim programom CEFTA, smanjenje troškova trgovanja, te regulatornog i administrativnog opterećenja u vezi sa inter-regionalnom i intra-regionalnom trgovinom.

Projekt poboljšanja poslovnog okruženja, koji će se provoditi do kraja novembra 2014. godine, implementira se u partnerstvu s Kraljevinom Švedskom i Federalnim ministarstvom finansija Austrije.

Uspješan pohod Vispaka na arapsko tržište



U samo nekoliko mjeseci nakon promjene vlasničke strukture i poslovanja u okviru tešanske Grupe AS, visočki prehrambeni kombinat Vispak uspio je dostići i nadmašiti proizvodnju i prodaju iz rekordne 1991. godine i započeti vrlo ambicioznu izvoznu ekspanziju. Prije nekoliko dana Vispak je otpremio i drugi contingent svojih proizvoda u šest država Arapskog zaljeva, u okviru poslovног ugovora vrijednog 1,5 miliona američkih dolara, potpisanoг prije nepunih šest mjeseci. Prvi promotivni contingent Vispакovih proizvoda, keksa, kafe, čokolade, čajeva, začina, čorbi..., otpremljen je u oktobру prošle godine i naišao je na iznenađujuće dobar prijem tamošnjeg tržišta, i gotovo

je izvjesno da će Vispak u narednih nekoliko mjeseci zaključiti još ambiciozniji poslovni aranžman s državama Arapskog zaljeva. Rusmir Hrvić, direktor Grupe AS, u okviru koje posluje i Vispak, ohrabren je početnim poslovnim rezultatima ostvarenim na novom izvoznom tržištu.

- Radi se o golemom tržištu s vrlo zaoštrenom konkurencijom. Vispak je načinio početni probоj i otvorio prostor za nastup drugih sličnih kompanija iz BiH. Mislim da bismo trebali udružiti snage za zajednički nastup na tamošnjem tržištu na kojem postoji prostor za rast – izjavio je za Slobodnu Bosnu Hrvić.

Na poziv Vispaka za zajednički nastup i poslovnu suradnju na izvoznim tržиstima već se odazvalo nekoliko srodnih firmi. Primjerice, mala privatna firma Fanu iz Srebrenika koja se bavi preradom voćа i povrćа ugovorila je solidnu isporuku svojih proizvoda na tržište Arapskog zaljeva a cijeli izvozni aranžman realizirat će uz logističku podršku Vispакove veletrgovinske mreže. U dalnjem nastavku poslovne suradnje, Fanu će proizvoditi pod robnom markom Vispak, a sličan poslovni aranžman Vispak je ponudio i još nekolicini zainteresiranih firmi iz prehrambene industrije BiH, prije svega iz sektora prerade voćа i proizvodnje sokova.

BiH: Lani manja ekploracijа drveta



Ukupna proizvodnja šumskih sortimenata u Bosni i Hercegovini u 2012. manja je za tri posto u odnosu na 2011. godinu. Po podacima Agencije za statistiku BiH, proizvodnja sortimenata četinarskih vrsta drveća manja je za 0,03 posto, dok je proizvodnja sortimenata lišćarskih vrsta manja za 5,44 posto. Proizvodnja trupaca četinara povećana je za 0,73 posto, dok proizvodnja trupaca lišćara bilježi pad od 2,89 posto. Pad proizvodnje od 5,37 posto bilježi se i kod ogrijevnog drveta lišćara u odnosu na 2011. Najveći pad se bilježi kod proizvodnje ogrijevnog drveta četinara od 23,07 posto, te ostalog dugog drveta četinara od 20,71 posto i kod ostalog grubo obrađenog drveta od 94,10 posto. Kod proizvodnje ostalog grubo obrađenog drveta radi se o malim količinama sortimenata čije variranje u proizvedenim količinama nema uticaja na promjene u ukupnoj proizvodnji šumskih sortimenata.

"Konzum" i "Procter & Gamble" pokrenuli humanitarnu akciju za NVO "Otvorena mreža"



onuzum je u saradnji s partnerom "Procter&Gamble", proizvođačem vodećih svjetskih brendova za osobnu higijenu i domaćinstvo, pokrenuo veliku humanitarnu akciju s ciljem prikupljanja sredstava, koja će biti donirana NVO "Otvorena mreža".

Tokom naredna dva mjeseca, od svakog prodanog pakiranja "Pampers Jumbo" pelena u "Konzum" prodavnica širom BiH, izdvajat će se 1 KM.

Sva prikupljena sredstva bit će usmjerena NVO "Otvorena mreža" kao pomoć prilikom liječenja onima kojima je ta pomoć zaista i najpotrebniјa.

Jačanje izvoza: Ećo company ugovorio prve isporuke za Libiju

Jedan od bh. lidera u proizvodnji namještaja – Ećo Company, uprkos otežanim uslovima rada u našoj zemlji i globalnoj krizi, bilježi kontinuirani rast u poslovanju.

Prošle godine ostvarili su prodaju preko šest miliona KM, dok ove godine očekuju rast od 20 posto, a uz sve to su uspjeli ostvariti veći rast izvoza.

"Strateški cilj kompanije Ećo company je da se opredijelimo prema izvozu jer su definitivno domaći proizvođači postigli maksimum kad je u pitanju naše tržište. Tako da se mora napraviti veći iskorak ka malo razvijenijem tržištu. Mi smo već ugovorili prve isporuke za Libiju, gdje krajem mjeseca idu prvi kontingenti. Također, posljednjih godina jako fino radimo sa Albanijom, gdje već drugu godinu radimo sa istim dobavljačima, a ove godine imamo isporuke za Njemačku, Holandiju i još neke evropske zemlje", rekao je za ekapija.ba Suhad Ećo, generalni direktor

firme Ećo Company. Ova kompanija stalno ulaže u sebe i svoje zaposlenike, što nastavlja i ove godine. "Iako neće biti otvaranja novih poslovnica, i dalje ćemo širiti naše proizvodne kapacitete, ulaganjem u mašine, te proširenje fabrike. Početkom aprila biće i konkursi za nova radna mjesta. Trebaće nam oko dvadesetak uposlenika, uglavnom tapetara, stolara, krojača", kazao je Ećo.

Kada je osnovana 2002. godine, kompanija je imala tek dvoje uposlenih, a danas ima oko 100 uposlenika sa vrlo referentnom proizvodnjom i razgranatom prodajom.

Osnovne karakteristike po kojima je njihov namještaj prepoznatljiv su izuzetna estetika i dizajn, vrhunski kvalitet, maksimalna funkcionalnost i udobnost. U okviru kompanije razvili su i dizajn studio, koji se bavi projektovanjem namještaja i enterijera. Dizajn studio je

jedinstven po tome što obezbjeđuju uslugu po principu "ključ u ruke", kako za velike objekte, tako i za manje poslovne centre, ugostiteljske objekte, banke, apartmane i stanove. Planovi za razvoj poslovanja u narednim godinama su ambiciozni, očekuju nastavak razvojnog programa kroz širenje proizvodnog asortimana i uspostavljanja novih tehnologija sa ciljem daljeg razvijanja kvaliteta vlastitih proizvoda i otvaranja svojih specijaliziranih salona u većim gradovima u BiH, kao i jačanje izvoza.



Delegacija "Energoinvesta" u Crnoj Gori - Razmatra se saradnja dvije zemlje u oblasti



Erdal Trhulj, ministar energije, rударства i industrije u Vladi FBiH, sa predstavnicima "Energoinvesta", predvođenim direktorom Enesom Čengićem, boravi u Crnoj Gori, gdje su se sastali sa visokim crnogorskim zvaničnicima. Sa Dragom Laketićem, predsjednikom Odbora direktora Crnogorskog elektroprenosnog sistema (CGES), razgovaralo se o aktualnim projektima u Crnoj Gori u energetskom sektoru. Ministar ekonomije Crne Gore Vladimir Kavarić predstavio je mogućnosti za poslovanje u toj susjednoj zemlji.

Ministar Trhulj je u Podgorici predstavio

i bosanskohercegovačke kompanije, s ciljem otvaranja poslovnih mogućnosti na tom bliskom tržištu, kao i mogućnosti angažmana crnogorskih kompanija na tržištu BiH, navedeno je na sajtu "Energoinvesta".

"Energoinvest" ima dugu tradiciju uspješnog poslovanja u Crnoj Gori, a ova posjeta i razgovori sa najvišim crnogorskim zvaničnicima iz oblasti energetike i ekonomije, otvaraju mogućnost povratka na tržište Crne Gore i nove poslove na obostrano zadovoljstvo.

Objavljen poziv preduzetnicima za dodjelu grantova u okviru programa EBRD BAS

Privredna komora Republike Srpske objavila je poziv preduzećima, konsultantima, agencijama, inžinjering organizacijama da apliciraju za dodjelu subvencija za projekte poslovno savjetodavnih ili konsultantskih usluga u okviru programa Evropske banka za obnovu i razvoj (EBRD), objavljeno je na portalu PKRS.

EBRD BAS Program poslovno savjetodavnih usluga u Bosni i Hercegovini podržava mala i srednja BH preduzeća olakšavajući obezbjeđenje poslovnih savjeta i konsultantskih usluga. EBRD BAS Program pruža fleksibilan grant od 25% do 75%

ukupnih neto troškova projekta do maksimalno 10.000 EUR.

Poslovni savjeti u oblasti: standardizacije (CE, ISO, HACCP, Global GAP), zaštite okoline (uključujući i ISO 14000 i FSC CoC), kompjuterizovanih informacionih sistema, marketinga (branding, istraživanje tržišta, web dizajn, razvoj strategije, plan promocije), inžinjeringa (izrada glavnih projekata novih postrojenja, tehnološke studije), energetska efikasnost, reorganizacije, priprema poslovnih planova, traženje poslovnih partnera i investitora.

Na konkurs mogu učestvovati male ili srednje BiH firme u svim

poslovnim sektorima, sa izuzetkom alkohola, vojne, i duhanske industrije, osiguranja, bankarstva, finansijskih usluga i klađenja. Preduzeće treba da bude većinski privatno i u većinskom BiH vlasništvu. Firma treba da postoji najmanje dvije godine, da ima od 10 do 250 uposlenih, kao i da je finansijski stabilna i ima potencijal rasta.

EPBiH u 2013. planira uložiti u rudnike 74,3 miliona KM

Javno preduzeće Elektroprivreda BiH (EP BiH) će u sedam rudnika koji su u sastavu Koncerna EPBiH u 2013. godini, u procesu dokapitalizacije, uložiti 74,3 miliona KM, saznaće Fena u JP EP BiH.

Planom poslovanja JP Elektroprivreda BiH za period 2013. - 2015., koji je nedavno usvojila Skupština društva, predviđeno je ukupno 156,4 miliona KM za dokapitalizaciju rudnika koji su u sastavu Koncerna. Također, na Skupštini su usvojene i odluke o izmjenama i dopunama odluka iz 2010. i 2011. godine o investicionim ulaganjima u rudnike uglja i rudnike mrkog uglja koji su u sastavu Koncerna EPBiH.

"Planirana sredstva u procesu dokapitalizacije iz 2010. i 2011. godine nisu realizovana uslijed dugotrajnih procedura Zakona o javnim nabavkama i drugih procedura. Preostala sredstva bit će usmjereni, kako je i planirano tim odlukama, u nabavku rudarske opreme i mehanizacije, remonte bagera, pripremne aktivnosti za realizaciju novih investicija i drugo", navode iz EPBiH.

Najznačajnije investicije koje su preostale da se realiziraju iz 2010. godine su nabavka dampera nosivosti minimalno 90 tona za potrebe RMU "Kakanj", zatim buldožera, bagera, cjevopolagača, dampera za potrebe RU "Kreka", nabavka širokočelne opreme za RMU "Kakanj" i RMU "Breza", kao i nabavka dampera za RMU "Đurđevik".

Najznačajnije investicije koje su preostale da se realiziraju iz 2011. godine su: remont dva rotorna bagera za potrebe RU "Kreka", nabavka buldožera i cjevopolagača za potrebe RU „Kreka", nabavka bagera



za potrebe RU "Gračanica" i nabavka rudarske mehanizacije za potrebe RMU "Kakanj".

Inače, među većim projektima koji se trenutno realizuju ili planiraju u vezi opremanja i modernizacije u sedam rudnika Koncerna mogu se izdvojiti: kompleks SHP za široko čelo u RMU "Breza" (ukupna vrijednost 20,1 milion KM), nabavka širokočelne opreme za RMU "Kakanj" (18,3 miliona KM), rudarska mehanizacija - buldožeri, bager, bager gusjeničar, cjevopolagač i drugo u RU "Kreka" (7,8 miliona KM), kamion nosivosti 170 tona za RMU "Đurđevik" (4 miliona KM).

Također, tu su i projekti nabavke rudarske, mašinske, elektro i zaštitne opreme za potrebe pogona "Haljinići" u RMU "Kakanj" (ukupna vrijednost investicije 3,3 miliona KM), nabavka rudarske mehanizacije za potrebe P.K. "Vrtlište" u RMU "Kakanj" (3,2 miliona KM), otvaranje novog jamskog kapaciteta za proizvodnju uglja "Begići - Bištrani" u RMU "Kakanj" (2,7 miliona KM), zatim modernizacija sistema za preradu i transport uglja u RMU "Zenica" (1,6 miliona KM).

Među većim projektima su i oprema i repromaterijal za Projekt "Otvaranje novih otkopnih polja u jamskim kapacitetima, sanacija prostorija i izrada nove ventilacione petlje" u RMU "Abid Lolić" (ukupna vrijednost 1, 2 miliona KM), te dva zglobna dampera za RU "Gračanica" (1,2 miliona KM), rečeno je Feni u Službi za komunikacije JP EPBiH.

INDEKS POTROŠAČKIH CIJENA

U februaru 2013. godine opdi indeks potrošačkih cijena ostao je stabilan. Cijene proizvoda i usluga koje se koriste za ličnu potrošnju u Bosni i Hercegovini mjerene indeksom potrošačkih cijena, u februaru 2013. godine u odnosu na januar 2013. godine, u prosjeku nisu zabilježene promjene.

Više cijene u odjeljcima prijevoza, obrazovanja, hrane i bezalkoholnih pida.

Posmatrano po odjeljcima prema namjeni potrošnje (COICOP), u februaru 2013. godine u odnosu na januar 2013. godine, u prosjeku je zabilježen rast u odjeljcima Prijevoz za 0,7%, Obrazovanje za 0,3%, Hrana i bezalkoholna pića za 0,1%. Niže cijene u odjeljku odjeda i obuda, ostala dobra i usluge, namještaj, kudanski aparati i redovno održavanje kuće.

Posmatrano po odjeljcima prema namjeni potrošnje (COICOP), u februaru 2013. godine u odnosu na januar 2013. godine, u prosjeku je zabilježen pad nivoa cijena u odjeljcima Odjeća i obuća za 1,8%, Ostala dobra i usluge za 0,4%, Namještaj, kudanski aparati i redovno održavanje kuće za 0,2%.

U ostalim odjeljcima prema namjeni i trajnih proizvoda za široku potrošnju za 0,3%. Posmatrano prema područjima KD-a, indeks cijena je viši za 1,1% u potrošnje (COICOP), za isti period nisu zabilježene prosječne mjesecne promjene nivoa cijena.

Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša niži je za 0,9% i u području Proizvodnje i snabdijevanja/opskrbe električnom energijom, gasom/plinom, parom i klimatizaciji za 0,5%. U području Vađenja ruda i kamena indeks cijena se nije mijenjao u ovom mjesecu.

GODIŠNJA INFLACIJA U FEBRUARU 2013.

Cijene u februaru 2013. u odnosu na februar 2012. godine u prosjeku su više za 1,0%.

Prosječni rast cijena je zabilježen u odjeljcima Alkoholna pića i duhan za 6,2%, Hrana i bezalkoholna pića za 1,6%, Stanovanje, voda, električna energija, plin i drugi energenti za 1,2%, Obrazovanje za 1,2%, Rekreacija i kultura za 1,1%, Prijevoz za 0,9%, Ostala dobra i usluge za 0,8%, Komunikacije za 0,1% te Restorani i hoteli za 0,5%.

Sniženja cijena u prosjeku su zabilježena u odjeljku Odjeće i obuće za 6,4% i Zdravstva za 1,4% te Namještaja, kudanskih aparata i redovnog održavanja kuće za 0,1%.

INDEKS OBIMA INDUSTRIJSKE PROIZVODNJE

Ukupna industrijska proizvodnja u Bosni i Hercegovini u februaru 2013. manja je za 5,6% od prosječne mjesecne proizvodnje u baznoj 2010. godini.

Proizvodnja u februaru u odnosu na prosječnu mjesecnu proizvodnju iz 2012. manja je za 4,5%, a u odnosu na proizvodnju iz februara 2012. veća je za 11,1%.

Ukupna industrijska proizvodnja u periodu januar–februar u odnosu na isti period 2012. godine veća je za 6,3%.

U području "Vađenje ruda i kamena" proizvodnja u februaru 2013. manja je za 12,6% od prosječne mjesecne proizvodnje u baznoj 2010. godini.

Proizvodnja u februaru u odnosu na prosječnu mjesecnu proizvodnju iz 2012. manja je za 20,4%, a u odnosu na proizvodnju iz februara 2012. manja je za 0,5%. Ukupna industrijska proizvodnja u periodu januar–februar u odnosu na isti period 2012. godine manja je za 3,3%.

U području "Prerađivačka industrija" proizvodnja u februaru 2013. manja je za 11,2% od prosječne mjesecne proizvodnje u baznoj 2010. Proizvodnja u februaru u odnosu na prosječnu mjesecnu proizvodnju iz 2012. manja je za 9,8%, a u odnosu na proizvodnju iz februara 2012. veća je za 17,6%.

Ukupna industrijska proizvodnja u periodu januar–februar u odnosu na isti period 2012. godine veća je za 11,9%.

U području "Proizvodnja i snabdijevanje električnom energijom i plinom" proizvodnja u februaru 2013. veća je za 16,6% od prosječne mjesecne proizvodnje u baznoj 2010.

Proizvodnja u februaru 2013. u odnosu na prosječnu mjesecnu proizvodnju iz 2012. veća je za 24,7%, a u odnosu na proizvodnju iz februara 2012. veća je za 12,7%. Ukupna industrijska proizvodnja u periodu januar–februar u odnosu na isti period 2012. godine veća je za 7,6%.

INDEKS POTROŠAČKIH CIJENA

Ukupan indeks potrošačkih cijena u februaru/veljači 2013. godine nije se mijenjao u odnosu na prethodni mjesec.

Posmatrano po odjelicima COICOP klasifikacije (Classification of Individual Consumption by Purpose), rast cijena registrovan je u odjelicima: Prevoz za 0,4%, Hrana i bezalkoholna pića i Alkoholna pića i duhan za 0,1%.

Cijene su niže u odjelicima: Odjeća i obuća za 1,8%, Namještaj, kućanski uređaji i redovno održavanje kuće za 0,3%, Ostala dobra i usluge za 0,2% i Zdravstvo za 0,1 %.

U ostalim odjelicima cijene se nisu mijenjale u ovom mjesecu. Ukupan indeks potrošačkih cijena u februaru/veljači 2013. godine viši je za 0,3% u odnosu na isti mjesec prethodne godine i za 0,2% u odnosu na decembar 2012. godine.

Za dva mjeseca ove u odnosu na isti period prethodne godine ukupan indeks potrošačkih cijena je viši za 0,7%, a u posljednjih dvanaest u odnosu na prethodnih dvanaest mjeseci viši je za 1,8%.

Ukupan indeks potrošačkih cijena u februaru/veljači 2013. godine je viši za 0,4% u odnosu na prosjek 2012. godine a u odnosu na prosjek 2010. godine viši je za 6,1%.

INDEKS INDUSTRIJSKE PROIZVODNJE

Industrijska proizvodnja u Federaciji Bosne i Hercegovine u mjesecu februaru/veljači 2013. godine u odnosu na prosječnu mjesečnu proizvodnju iz 2012. godine manja je za 1,8%, u odnosu na proizvodnju iz istog mjeseca prošle godine veća je za 14,1%, dok je u odnosu na januar/siječanj ove godine manja za 0,5%.

Ukupna industrijska proizvodnja u periodu januar/siječanj-februar/veljača 2013. godine u odnosu na isti period 2012. godine veća je za 8,4%, u području Vađenja ruda i kamena manja je za 6,7%, u području Prerađivačke industrije veća je za 10,9%, i u području Proizvodnje i snabdijevanja/opskrbe električnom energijom i plinom veća je za 14,7%.

Prema glavnim industrijskim grupacijama industrijskih proizvoda u periodu januar/siječanj 2013. godine u odnosu na isti period 2012. godine, proizvodnja bilježi povećanje intermedijarnih proizvoda osim energije za 1,1%, energije za 12,4%, kapitalnih proizvoda za 51,0% i netrajnih proizvoda za široku potrošnju za 6,9%, dok je zabilježeno smanjenje trajnih proizvoda za široku potrošnju za 26,2%.

INDEKS PROIZVOĐAČKIH CIJENA INDUSTRIJE

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

Indeks cijena proizvođača industrijskih proizvoda se izračunava na bazi prodaje proizvoda proizvedenih u Federaciji BiH, a prodatih na teritoriji Bosne i Hercegovine (domaće tržište) i izvezenih na inostrano tržište.

U dosadašnjim publikacijama koja se odnose na indekse cijena proizvođača industrijskih proizvoda publikovani su samo indeksi za domaće tržište, a od januara 2013. godine će se redovno mjesečno objavljivati: ukupan indeks cijena proizvođača industrijskih proizvoda, indeks za domaće tržište i indeks za inostrano tržište.

Ukupan indeks cijena proizvođača industrijskih proizvoda u februaru/veljači 2013. godine ukupan indeks cijena proizvođača industrijskih proizvoda viši je za 0,8% u odnosu na prethodni mjesec.

Posmatrano prema glavnim industrijskim grupacijama ukupan indeks cijena intermedijarnih proizvoda osim energije viši je za 2,2% i netrajnih proizvoda za široku potrošnju za 0,2%.

U grupaciji kapitalnih proizvoda indeks cijena je niži za 0,4%, a energije i trajnih proizvoda za široku potrošnju za 0,3%. Posmatrano prema područjima KD-a, indeks cijena je viši za 1,1% u području Prerađivačke industrije. U području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša niži je za 0,9% i u području Proizvodnje i snabdijevanja/opskrbe električnom energijom, gasom/plinom, parom i klimatizaciji za 0,5%.

U području Vađenja ruda i kamena indeks cijena se nije mijenjao u ovom mjesecu.

Posmatrano po oblastima, najveći rast indeksa cijena je registrovan kod Proizvodnje hemikalija/kemikalija i hemijskih/kemijskih proizvoda za 8,3%, Štampanja/Tiskanja i umnožavanja (reprodukcije) snimljenih zapisa za 3,2%, Proizvodnje baznih metala za 2,7% i Proizvodnje ostalih nemetalnih mineralnih proizvoda za 1,6%.

U ostalim oblastima indeksi cijena se nisu značajnije mijenjali.



Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 264 831

E-mail; info@upfbih.ba

Web; www.upfbih.ba